

Knjiga dr Nikice Rapajića i dr Mire Kolar-Dimitrijević, pod naslovom "Kongres privrednih stručnjaka Hrvatske Otočac-Čazma 1943/1944 (Prilog istraživanja ekonomije oslobođenih područja Hrvatske 1941-1945, s naročitim obzirom na ekonomiju agrara)," Zagreb, 1985.; obuhvaća 252 stranice teksta u tri dijela i 19 slika, te rezime na engleskom jeziku. Tvrdo je uvezana.

U prvom dijelu, pored predgovora i uvoda pod naslovom "Kongresne konferencije u Otočcu i Čazmi"; autori su najprije prikazali razvitak i djelovanje ekonomske službe na oslobođenom području Hrvatske nastale u specifičnim ratnim uslovima NOB i socijalističke revolucije, do navedenih kongresnih konferencija: radnih jedinica, poljoprivrednih komisija, tehničkih službi, prehrambenih komisija. Dalje ekonomske službe i društvene službe do toga vremena, razorenost narodne privrede, stradanje stanovništva za vrijeme IV neprijateljske ofenzive, ishrana NOV i partizanskih odreda, te siromašnog stanovništva u tim uslovima po kapitulaciji Italije i dr. Zatim, osnivanje odjela kod stručnih resora ZAVNOH-a, rad i nedostaci ekonomskog odjela u kom su na prvom mjestu poljoprivreda i šumarstvo. Cilj ovih istraživanja i analitičkog prikaza u prvom redu je, da se ustanove razlozi i uzroci održavanja navedenih konferencija i prilike koje su postojale u ratnim uslovima.

U drugom dijelu, uz uvod, sistematizirani su arhivski izvori vremenskim slijedom i to: 26 dokumenata o Otočkoj i 21 o Čazmanskoj konferenciji. Ovi dokumenti, kako se i u tom uvodu navodi, poslužili su autorima kao dragocijeni izvori podataka, a isto tako će poslužiti i drugim istraživačima ovih područja. Posebnu historijsku vrijednost imaju proglašeni doneseni na njima sa potpisima učesnika.

U trećem dijelu, pod naslovom "Učesnici kongresnih konferencija" prikazane su biografije 135 učesnika svrstanih po strukama te bibliografije onih koji imaju objavljene radove. Najbrojniji su bili agronomi i šumari.

Proglas donesen na kongresnoj konferenciji u Otočcu, te način održavanja, te kongresne konferencije u Čazmi, nesumnjivo su korisno poslužili organizatorima prvog Kongresa kulturnih radnika Hrvatske i Kongresa pravnika antifašista održanih 1944. godine.

Značajno je napomenuti, da je ovaj rad autora iziskivao mnogo truda, raden je više godina, a koristan je kao znanstveni prilog poznavanja organizacije privrede na oslobođenim područjima Hrvatske, a time i Jugoslavije 1941-1945. Odličan je priručnik pripadnicima općenarodne odbrane i vojnih škola, te slušaocima predmeta Općenarodna odbrana na fakultetima.

Zainteresirani ovu knjigu pomenutih autora mogu nabaviti u Savezu poljoprivrednih inženjera i tehničara Hrvatske, Berislavičeva 10.

Ing. Ilija Rapajić
ZAGREB
Lašćinski Borovec 20